



La Nadja Eugster an accziun tar igl gioi «activity». Davostier igl team concursant, tschentg parsünas digl public. La fantscheala honesta ca fa notizgas par saver infromar igl Mario cura ca tgenegna da las sias spusas sen visitas.

## Teater a feastùna a Donat

DA GIAN MARCO BEELI

■ La feugn d'eanda vargeada e'gl pussto aschi lientsch, a la Cumpagneia da Donat a conturn à preschanto sieus teater anual. Uon àn els musso egn part or da la veta brisanta digl Turitges Mario. Igl toc «Super Boeing» e vaneu scret da Marc Camelotti a transito an rumantsch da Marina Schaller. Uonda sera, igl 19 da november, quart aso las org. La hala polyvalenta an la scola Donat e anc betga propi

Suainter ca tuts en vagnieus preschantos egn a l'oter c'gl neraz uras pigl Mario da far ir la Janet, par ca leza possi tier sieus sgöl, mobagn an amprega lingia ear par ca ella segi davent cur ca la savunda spusa digl Mario, la Jacqueline da la Frantscha, riva. Speart barata l'Anna anc or la fotografia da la Janet ve da la pare cun la fotografia da la Jacqueline.

Curt suainter stat la Jacqueline ear schon an stiva tar igl Mario ad igl Rico, a gea à igl Rico da sorprendier igl job d'inventar istorzias par saver curvatat igl Ma-

Suainter ca l'Americana Janet ligia la sia breav dat ear ella tier agl Mario c'ella banduni el par egn um an l'America. Archea à igl Mario bagn gieu da schar ir dus da sias tres spusas, dantant e ear la lavur da zupat a gir manzegnas svanida.

Igl caos c'ign spitgeva d'antscheata annà à betga sarealisio, pletost paran tuts dad easser cuntaints a la feugn, tocen sen la fantscheala Anna. Mobagn suainter ca leza à anc tigo c'igl dus umens voman an las dretgas tgombras, tar las



Ils giuivens schurnalists han sa chapescha rapportà dals teaters e concerts en la regiun.

FOTOS R. SCHILLING



La Lia Rumantscha iniziescha differentas accziuns en Sutselva, sco questa excursiun da toponims ad Andeer.

# Las stentas han gè success

### I vegn puspè rapportà regularmain da la Sutselva

■ (lr/mp) La Lia Rumantscha (LR) ha procurà ch'il rumantsch sutsilvan survegna puspè schlantsch. Grazia a la collavuraziun da plirs partenaris è la finamira cuntanschida. En Sutselva vegn bain anc discurre rumantsch, ma cun mo ina scola populara a Donat è la preschientscha dal rumantsch en la vita publica magari debbla u marginala. Tant pli impurtant è sia preschientscha sco pled scrit.

#### Absenza da texts sutsilvans dat da pensar

Durant plirs onns ha la Sutselva gè in agen correspondent tar l'Agentura da novitads rumantscha (anr). Schebain ch'el aveva ses biro a Cuira rapportava el da la Val Schons. Uschia era il sutsilvan preschent regularmain en La Quotidiana (LQ). Suenter ch'il correspondent ha bandunà la piazza ha l'anr tschertgà invanmain in successur. Il 2010 ha la Lia Rumantscha inizià in program cun il ti-

tel «Rumantsch an Sutselva». «L'intenziun era da dar in impuls als Sutsilvans per ch'els procurian sezs per ina meglra preschientscha dal rumantsch en las vischnancas. En plirs lavuratori han persunas fatg da tuttas sorts ponderaziuns areguard l'avegnir dal rumantsch sutsilvan», di il secretari general da la LR, Urs Cadruvi, che ha manà quels inscuters. In dals temas era da chattar ina soluziun per ch'il rumantsch saja puspè preschent en las medias. Sin iniziativa da Beni Michael che na pudeva betg chapir e tolerar il fatg che la Sutselva era absentia en LQ, è vegnì instradà in project cun la finamira da publictar texts sutsilvans en la gasetta da mintgadi. La Lia Rumantscha ha purschi agid cun la collavuratura regiunala Barbara Riedhauser che ha coordinà las lavurs ed ha era surpiglià ils custs per questa coordinaziun.

**Buna lavur dals giuivens schurnalists**  
«Nus avain dumandà directamain giu-

venils che faschevan l'emprendissadi u che gievan al gimnasi sch'els avessan gust da scriver. E quai è gartegià ed ha funcziunà bain», di Beni Michael. L'interess per la vallada ed er il fatg da pudair gudagnar insatge hajan motivà ils giuvenils. A partir da la primavaira 2011 è ina gruppa dad otg giuvnas e giuivens stada pronta da far ina scolaziun e da scriver per la pagina sutsilvana en LQ. Ils giuivens schurnalists èn vegnids sustegnids linguisticamain da Barbara Riedhauser ed han rapportà dad eveniments regiunals e communal u han scrit purtrets da persunas. «Quai che mancava eran ils rapports actuals», admetta Beni Michael. Il motiv è simpel: Las giuvnas ed ils giuivens lavuravan en la Bassa ed eran mo la fin d'emna en la Val. Plinavant era l'organaziun magari difficila causa la coordinaziun.

Guido Jörg, manader da l'anr, è stà fitg cuntent da la soluziun e la collavuraziun

cun la LR: «La coordinaziun ha funcziunà stupent ed ils giuivens fan propi bunas chaussas ed èn fitg activs.» Ma la situaziun è lura sa midada perquai che la gruppa da giuvenils è vegnida pli pitschna e perquai che l'anr ha tschertgà ina redactura u in redactor fix per la Val Schons.

#### La nova redactura è il resultat da las stentas

In ulteriur fatg legraivel è ch'il sez che pertutga la Sutselva en il cussegl da fundaziun da l'anr è puspè occupà. I sa tracta da la represchentaziun oriunda dal titel d'ediziun «Casa Paterna/La Pünt», la quala è ditg stada vacanta. La «Fundaziun Cadonau per ina gasetta romontscha» ha sclerì durant ils davos onns la situaziun da quest titel d'ediziun ed ha elavurà ina cunvegna cun l'Uniun Sutselva Rumantscha e cun la Surselva Romontscha che tschentan alternamain en il cussegl da funda-

ziun. Beni Michael è cuntent da quest fatg. Plinavant èsi gartegià questa primavaira da chattar ina persuna che rapporta regularmain en sutsilvan. Igl è Tina Clopath-Sulser che deriva oriundamain da l'Engiadina. Ella abita a Ziràn ed enconuscha fitg bain la Val Schons. «Il mument ha ella in engaschi da 20 pertschient. Quai vul dir ch'i da mintg'emna almain ina pagina sutsilvana», declera Guido Jörg che è satisfatg. Tina Clopath-Sulser fa ussa la coordinaziun da las lavurs, ella vegn sustegnida da tschintg collavurators libers. Tranter quels èn giuvenils che han fatg antruras la scolaziun tar l'anr. Tenor Guido Jörg èsi bain pussaivel che la pertschientuala sutsilvana vegn augmentada cun il temp. Per Urs Cadruvi mussa questa istorgia da success evidentamain che la strategia da la Lia Rumantscha è gista: «Nus avain da far lavur iniciala e da sustegn per lura puspè pudair surdar la responsabladad a la regiun.»